

Hessen a la Kadd

Handkäs mit Mussigg,
Kümmelscher und Brot,
so esse mir´s am liebste,
so sinn mir des gewohnt.

Kochkäs uff em Weck,
dezu e Sticksche Worscht,
so feiern mir am beste
unn Äbblen fer de Dorscht.

Wir feiern gern des Lewe,
in Frankfurt hier am Main
und brauche wir den Segen,
ziehn wir in Wälder ein.

Im Taunus werd gewannert,
an de Bergstroß trink´mer Woi,
am Main da wird geankert,
in Darmstadt kaafe mer oi.

Leg mir noch en Handkäs uff mein Weck,
gebb mir noch e Rippsche mit viel Speck.

Schneid noch zwo drei Äbbel in de Küche noi,
schepp mir noch en Leffel vun de grie Soß in mein Subbedeller noi.

Guck net so bleed, was werd en soi?

Hessen a la Kadd

De Hesse dut gern grabsche,
da hat de Vadder Spaß.
Gegärte Traubesäftscher
trinkt die Mutti in de Drosselgass.

Musikalisches Geschehen
gibt's beim HR und FFH.
De Hesse geht auch gern mal raus,
denn Fliescher hammer aach.

Eintracht, Lilie, Offebach,
Goethe, Lichtenberg,
Mathildenhöhe, Niederwald,
Limes, Hesseneck.

Kräppel, Deppsche, Bambelschnuut,
ei was ist denn das?
Butze, babbe, brunze, Schlappe,
Hessisch uff de Gass.

Hessen a la Kadd

**Leg mir noch en Handkäs uff mein Weck,
gebb mir noch e Rippsche mit viel Speck.
Schneid noch zwo drei Äbbel in de Küche noi,
schepp mir noch en Leffel vun de grie Sos in mein Subbedeller noi.
Guck net so bleed, was werd en soi?
Hessen a la Kadd**